

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis septimi - Fasciculus primus): Vol. VII.

London, 1830

Seite 152

46

TETRADYNAMIA SILIQUOSA.

CLEOME.

Linn. Gen. Pl. 345. *Juss.* 243. *Gærtn. t.* 76. *DeCand. Prodr. v.* 1. 238.

Calyx tetraphyllus, patens, subaequalis. *Petala* quatuor, adscendentia.
Siliqua unilocularis, bivalvis, polysperma.

TABULA 650.

CLEOME ORNITHOPODIOIDES.

CLEOME foliis ternatis elliptico-oblongis, floribus hexandris, siliquis deflexis.

C. ornithopodioides. *Linn. Sp. Pl.* 940. *Willden. Sp. Pl. v.* 3. 568. *Ait. Hort. Kew. ed.* 2. v. 4. 132.

C. Dilleniana. *DeCand. Prodr. v.* 1. 240.

Sinapistrum orientale triphyllum, ornithopodii siliquis. *Tourn. Cor.* 17. *Dill. Elth.* 359. t. 266; *exclusa plantâ Buxbaumianâ, cui flores lutei.*

Ad vias inter Smyrnam et Olympum Bithynum. ☉.

Radix cylindracea, tortuosa, annua; caudice simplici. *Herba* undique pubescens, tristè virens, viscida, ingrati odoris. *Caulis* erectus, ramosissimus, foliosus, teres, solidus, multiflorus. *Folia* sparsa, petiolata, ternata, foliolis elliptico-oblongis, sive obovatis, obtusis, integerrimis, longitudine variis; superiora in *bracteis* simplices, obovatas, foliolis conformes, mutata. *Racemi* terminales, erecti, simplices, solitarii, multiflori, *bracteis* solitariis ad *pedicellorum* singulorum basin. *Pedicelli* alterni, ferè horizontales, uniflori, bracteis triplò longiores. *Calyx* reflexo-patens, foliolis ovatis, acutis, deciduis. *Petala* orbiculata, alba, unguibus calyce longioribus, purpurascens; quorum duo superiora paulò minora, magisque adscendentia. *Stamina* filiformia, simplicia; duo superiora erecta, petalis breviora; quatuor inferiora longiora, deflexa. *Antherae* subrotundae, bilobae, flavae. *Receptaculum floris* convexum. *Germen* pedicellatum, deflexum, lineari-oblongum, torulosum, pilosum, uniloculare, apice recurvum, staminibus longius. *Stylus* subulatus, adscendens. *Stigma* simplex. *Siliqua* figurâ germinis, dependens, *valculis* deciduis, *receptaculis seminum* lateralibus, filiformibus, flexuosis, persistentibus. *Semina* numerosa, alterna, reniformi-orbiculata, compressiuscula, tuberculata, badia.

A. Flos duplò circitèr auctus.

d. Siliqua, magnitudine naturali.

B. Calyx cum pistillo.

e. Receptacula seminum.

C. Petalum superius.

f. Semen.